

HVAÐ ER AÐ GERAST UM

LIST

Nýlistasafnið:

Myndbandalist

Í Nýlistasafninu Vatnsstíg 3b verða sýnd myndbönd eftir bandarísku listakonuna Joan Jonas.

Joan Jonas er meðal frumherja á sviði gjörninga og myndbandalista, en hún hefur unnið verk sín með því lagi frá 1968. Verk hennar eru sýnd jafnt í Evrópu sem Ameríku og eru myndbönd eftir hana til í eigu helstu myndbanda- og listasafna sem sinna nútímalist.

Joan Jonas hefur dvalið hér á landi undanfarnar vikur og verður hún viðstödd sýningarnar.

Verkin sem sýnd verða eru þessi: Vertical Roll, 1972
I Want to Live in the Country, 1978
He Saw Her Burning, 1983
Double Lunar Dogs, 1984

Gallerí Gangurinn:

Carlo Mauro

Ungur Ítali, Carlo Mauro, heldur um þessar mundir sýningu í Gallerí Ganginum, Rekagrandu 8. Hann hefur sýnt víða einkum í Sviss og á Ítalíu. Á sýningunni eru nokkrar myndaraðir og bækur.

Hótel Garður:

Sýning á smámyndum

Mahmood Mall frá Pakistan opnar í dag sýningu á litlum teikningum og vatnslitamyndum á Hótel Garði.

Mall hefur sýnt á ýmsum stöðum í Evrópu og Asíu síðustu 15 árin. Hann teiknar einkum og málar byggingar, bæði fornminjar og nýtskulegar byggingar.

Sýningin hefst sem fyrr segir í dag og henni lýkur 18. ágúst næstkomandi.

Café Gestur:

Tveir ungir myndlistarmenn

Tveir ungir myndlistarmenn sem stunda nám í Chicago hafa undanfarið haldið sýningu á verkum sínum á Café Gestu, Laugavegi 28.

Listamennirnir eru Þormóður Karlsson, sem sýnir olluglerjadar akrýlmyndir á flossappír, og Íruga S. Friðjónsdóttir, sem sýnir litljósmyndir unnar með sérstakri framkollunar-tækni sem nefnd er C-41.

Sýningunni lýkur í dag.

Skíðaskálinn í Hveradölum:

Málverkasýning

Bjarni Jónsson listmálari sýnir olíumálverk og vatnslitamyndir í nýja gróðurskálunum við skíðaskálinn í Hveradölum. Sýningin er opin alla daga.



Helgina?

Selfoss:

Sýning í Safnahúsinu

Í sýningarsalnum í Safnahúsinu á Selfossi stendur nú yfir sérsýning á 32 myndum sem Listasafni Arnesinga hafa áskotnast undanfarnar vikur.

Sýningin er opin frá 14.00 til 16.00 á virkum dögum en frá 14.00 til 18.00 um helgar. Sýningunni lýkur um miðjan ágúst.

Hafnarborg:

Fyrsta einkasýning Péturs Þórs

Pétur Þór Gunnarsson myndlistarmaður opnaði sýningu í Hafnarborg, menningar- og listastofnun Hafnarfjarðar, Strandgötu 34, Hafnarfirði, 27. júlí síðastliðinn og stendur sýningin til 11. ágúst.

Pétur Þór er nemandi við listaakademíuna á Fjöni og hefur tekið þátt í nokkrum samsýningum þar ytra, en þetta er hans fyrsta einkasýning. Pétur Þór sýnir 55 myndir, aðallega pastel- og akrýlmyndir sem flestar eru málaðar á þessu ári. Meðal annars eru nokkrar myndir frá Hvalstöðinni í Hvalfirði. Myndirnar eru allar til sölu.

Sýningin er opin frá kl. 14.00 til 19.00 virka daga og kl. 10.00 til 22.00 um helgar.

Gallerí Borg:

Sumarsýning

Í Gallerí Borg hefur verið opnuð sumarsýning. Þar eru til sýnis um hundrað myndverk, grafíkmyndir, pastelmyndir, vatnslitamyndir og teikningar eftir alla helstu listamenn þjóðarinnar. Einnig eru til sýnis listmunir úr keramik og gleri.

Sýningin verður opin til ágústloka og mun taka einhverjum breytingum frá degi til dags.

Gallerí Borg verður lokað um helgar í ágúst nema sérstakt samkomulag komi til við einstaklinga eða hópa.



„Dýrkun“ eftir Ásmund Sveinsson

Ásmundarsafn:

Konan í list Ásmundar

NÚ stendur yfir í Ásmundarsafni við Sigtún sýning sem nefnist „Konan í list Ásmundar Sveinssonar“. Er hér um að ræða myndefni sem tekur yfir mest allan listferil Ásmundar og birtist í fjölbreytilegum útfærslum.

Sýningunni, sem stendur til næsta vors, er skipt í fjórar einingar sem sýndar eru í fjórum söluum safnsins: Kona og Karl niðri í Kúlunni, Kona við vinnu í Pýramíðunum og Kona sem tákn í Skemmuni.

Safnið er opið alla daga frá klukkan 10.00 til 17.00.

Ísafjörður:

Sýning í Slunkaríki

Lára Gunnarsdóttir opnaði sýningu í Slunkaríki á Ísafirði um síðustu helgi. Á sýningunni eru 14 teikningar unnar með blýanti, litblýanti og kol-um.

Lára var við nám í Myndlista- og handiðaskóla Íslands frá 1978 til 1983. Þessi sýning er fyrsta einkasýning hennar en áður hefur hún tekið þátt í nokkrum samsýningum.

Sýningin er opin frá kl. 14.00 til 18.00 þriðjudaga til föstudaga og frá kl. 15.00 til 18.00 um helgar. Henni lýkur 15. ágúst.

Eden, Hveragerði:

Ray Cartwright sýnir

RAY Cartwright opnar sýningu á olíumálverkum, vatnslitamyndum og spjald-ristum í Eden í Hveragerði í dag.

Þetta er þriðja einkasýning Rays í Eden, en hann hefur einnig sýnt spjald-ristur á Borgarspítalanum og haldið sýningu í Ásmundarsafni.

Sýningunni lýkur 18. ágúst. Öll verkin á sýningunni eru til sölu.

Ferstikla, Hvalfirði

Ólafur Thorlacius opnaði um síðustu helgi málverkasýningu í veitingaskálanum Ferstiklu í Hvalfirði.

Hann sýnir þar vatnslitamyndir, landslagsmyndir frá Vesturlandi. Sýningin stendur í mánuð.

SÖFN

Ásgrímssafn:

Sumarsýning

Sumarsýning Ásgrímssafns stendur yfir til ágústloka. Sýningin er haldin á heimili listamannsins. Á neðri hæð er að finna eldri málverk hans en á efri hæðinni gefur að líta yngri verk, olíumálverk teikningar og vatnslitamyndir.

Lögð hefur verið áhersla á að hafa sýninguna sem fjölbreytilegasta bæði hvað varðar myndefni og tækni. Safnið er opið alla daga nema laugardaga frá kl. 13.30 til 16.00. Aðgangur er ókeypis.

Þjóðminjasafnið:

Íslenskar hannyrðir í Bogasal

Nú stendur yfir í Bogasal Þjóðminjasafnsins sýning á verkum íslenskra hannyrðakvenna og nefnist hún „Með silfurbjarta nál“. Þar gefur að líta verk eftir rúmlega 40 konur sem uppi voru frá því á 12. öld og fram undir síðustu aldamót. Á sýningunni er leitast við að draga fram helstu einkenni hinnar íslensku út-saumshefðar. Mjög vegleg sýningarskrá hefur verið gefin út og er í henni meðal annars að finna ævi-ágríp allra þeirra kvenna sem verkin á sýningunni eru eftir.

Sýningin er opin daglega frá kl. 13.30 til 16.00 fram í október.

Árbæjarsafn:

Sumarsýning

Sumarsýning Árbæjarsafns stendur nú yfir. Hér er um að ræða farandsýningu frá Þjóðminjasafni Grænlandinga í Nuuk. Sýndir eru grænlandsku bátarnir quajaq og um-iaq.

Sýningin er opin á opnunartíma safnsins sem er frá kl. 13.30 til 18.00 alla daga nema mánudaga.

Sædýrasafnið:

Dýrin mín stór og smá

Sædýrasafnið verður opið um helgina eins og alla daga frá kl. 10.00 til 19.00.

Meðal þess sem er til sýnis eru háhyrningar, ljón, ísbjörn, apar, kindur og fjöldi annarra dýra stórra og smárra.

Listasafn Háskóla Íslands:

Nútímaverk íslenskra listamanna

Listasafn Háskóla Íslands í Odda (nýbyggingu háskólans beint upp af Norræna húsinu) sýnir 90 verk úr safni sínu. Um er að ræða úrval af nútímaverkum safnsins sem öll eru eftir íslenska listamenn.

Sýningin er opin daglega frá kl. 13.30 til 17.00. Aðgangur er ókeypis en sýningarskrá má fá ókeypis hjá gæslukonu á staðnum. Sýningin mun standa fram í september.



Ray Cartwright